



Publicaziuns officialas dils 05-07-2019

Damonda da baghegiar

Nr. 64/2019

Datum da publicaziun: 05-07-2019
Patrun: Degonda SA, 7176 Cumpadials
Liug e parcelas: Caharli; 3810
Object: renovaziun dil tetg

Nr. 65/2019

Datum da publicaziun: 05-07-2019
Patrun: Degonda-Bass Gion Battesta, 7176 Cumpadials
Liug e parcelas: Camon; 4735
Object: niev esch dil balcon

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament dil art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 63/2019

Pfister Rinaldo, 7166 Trun; dislocar indrez fotovoltaic naven dalla tegia sin il baghetg nr. 527A sin parcella nr. 5004 a Sumvitg-Murtès.

Nr. 66/2019

Giger Hermann, 7302 Landquart; lavurs da manteniment vid baghetgs nr. 256 e 256A ed adattaziun dil terren dalla parcella nr. 6691 a Cumpadials-Laus.

Nr. 68/2019

Monn Christian, 7172 Rabiun; megliurar trutg tier baghetg nr. 601 sin parcella nr. 4217 a Rabiun-Tscheps Su.

Sumvitg, 05-07-2019

Cumissiun da baghegiar

Suprastonza communal

Repartiziun dils departaments per la perioda d'uffeci 2019 – 2022 ed elecziun dil vicepresident communal

En sia seduta dils 12-06-2019 ei la suprastonza communal seconstituida ed ha repartiu ils departaments sco suonda sin ils singuls commembers dall'executiva:

President communal Armin Candinas

Departament: administraziun generala, planisaziun locala, finanzas e taglias, economia publica en general, surviglonza dil dretg, stab da crisa, medias
Cuntegn: ressort 1, 2, 13
Substituziun entras: vicepresident communal

Gerau Giusep Bearth

Departament: provediment d'aua, dismessa d'aua piarsa, traffic, fatgs da baghegiar
Cuntegn: ressort 3, 5, 6.1
Substituziun entras: Marcus Duff

Gerau Robert Candinas

Departament: scolaziun, cultura e temps liber (senza sendas), turissem, sanadad, beinstar social
Cuntegn: ressort 7, 8, 10
Substituziun entras: Ignaz Deplazes

Gerau Ignaz Deplazes

Departament: forestalessar, cussegl da scola, correcziuns da flums ed uals, rempars e lavineras, ambient (economia da rumians), sendas, via da velos
Cuntegn: ressort 4, 7.1, 8.1, 12
Substituziun entras: Giusep Bearth

Gerau Marcus Duff

Departament: segirtad publica, baselgias e capluttas, santeris ed uorden da satrar, agricultura
Cuntegn: ressort 6, 9, 11
Substituziun entras: Robert Candinas

Plinavon ha la suprastonza communal elegiu tenor art. 39 dalla constituziun communal a gerau Giusep Bearth, Sumvitg sco vicepresident per igl onn da fatschenta 2019/2020.

Inauguraziun punt pendentia dalla Greina

Igl onn 2018 han las vischnauncas da Sumvitg e Lumnezia ensemen cun la Secziun Pez Terri dil Club Alpin Svizzer (CAS) saviu realisar la punt pendentia sin la Greina. L'inauguraziun dalla punt ha liug la **sonda, ils 6 da fenadur 2019 naven dallas 11.30** sper la punt dalla Greina. Tuts interessai ein cordialmein beinvegni.
En cass d'aura malsegira vegn publicau silla pagina d'internet dalla vischnaunca Sumvitg (www.sumvitg.ch) sche la fiasta ha liug.

Plazza da giug Igniu

La renovaziun totala dalla plazza da giug ad Igniu ei terminada. Ella stat ussa a disposiziun per ils affons. Cun quella caschun engraziein nus grondamein a tuttas persunas privatas, firmas, uniuns, instituziuns sco era alla vischnaunca da Sumvitg per lur generus sustegn. Nus giavischein bien divertiment sin quella plazza da giug.

Sumvitg Turissem

Uniun gimnastica da dunnas Rabius

Per in e scadin

Rabius: Ir cun festa. Mintga gliendisdis (tochen fin d'uost) allas 19.15 avon la «Greina» a Rabius. Has ti gust? Neu! Nus selegrein da veser tei.

Las activas

Pro Senectute a Cumpadials

Meisa da miezdi (gentar communabel)

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pussevladad d'embellir quella occasiun cun star suentermiezdi da cumpignia cun dar in scart troccas ni auters giugs.

Liug: Ustria dalla Staziun, 7176 Cumpadials

Datum: venderdis, ils 12 da fenadur 2019 allas 12.00

Annunzias: Ein da far entochen mesjamna sera tier Ustria dalla Staziun, Cumpadials tel. 081 943 19 22